



*Rabu, 09 Agustus 2023*

**Ogen: Johanes 2:1-12**



**NGERGAKEN PERADATEN**



Pernah lit sekalak ngerana nina 'la kuakap radat pe ah', ranan enda jadi erkiteken lit akapna si la pas rikutken nilai-nilai kegeluhen si ietehna. E maka nai sebagian kalak rawan ras biaren ikataken ia la radat asangkan la erkiniteken. Bage me belinna pengaruh adat ras budaya i bas kegeluhenna.

Kerina masyarakat i doni enda lit aturen ras tata nilai i bas kegeluhenna siikataken budayana. Kalak Jahudi kental kal ras mbelin kal ergana adat bas ia. Kalak Jawa, kalak Karo, Papua ras sidebanna kerina lit kebiasaan-kebiasan si arus iikuti dinggen la banci ilanggar. E maka megati kal nina lain lalang lain belalang, lain lubuk lain ikannya, singatakenca maka teptep daerah lain adat, lain aturenna. Enda kerina arus siergai ras sipelajari adi kita ku kuta kalak, e maka nina ka 'di mana tanah di pijak disitu langit di junjung. E maka i bas doni enda pe lit iperingeti secara internasional si igelari hari masyarakat adat. Tujunna e me mpebelin kesadaran masyarakat guna njagai budaya ras erbage adat i doni enda. Arus siergan i bas kinierbagen si lit e. Hak masyarakat adat arus iusahaken gelah la terlindas erkiteken aturen-aturen si ibahan secara umum (nasional/internasional)

Adat la bo dosa, la salah, e maka ula kal kita minter ipengaruhi pengangkan adat ertentangen ras kekristenan. Ui snipes ras acara peradaten itadingken, e bagin kalak perbegu, lang. Selaku kalak Kristen, kita erlajar kuga Jesus pe ikut i bas peradaten, ngergai kebiasaan si lit termasuk isalihkenna lau jadi anggur tupung kekurangan anggur i bas kerja e. Minem anggur teptep kerja enda kebiasaan si lit i bas kerja-kerja kalak Jahudi. Serayan si latih lako nikapken ras ngaturken kerja-kerja pe ilakoken Jesus ras keluargana khusuna Maria nandena. Mari si ergai budayata.